

## SIUNNERSUUT

### **Qeqertarsuup Tunuani aqutsisoqarfimmi qassusersorluni inuutissarsiutingalugu aalisarneq pillugu Avannaata Kommuniiani ileqqoreqqusaq, xx.xx.2022-imeersoq.**

Aalisarneq pillugu Inatsisartut inatsisaat nr. 18, 31.oktober 1996-imeersumi § 23 aamma § 33, imm. 2, kingusinnerpaamik Inatsisartut inatsisaat nr. 28, 28.november 2016-imeersumi allangortinneqartoq, aamma Sinerissap qanittuani qalerlinniarneq pillugu Namminersorlutik Oqartussat nalunaarutaat nr., 11, 28.august 2014-imeersumi § 10, imm. 2 malillugit aalajangiunneqarput.

#### *Ileqqoreqqusap atuuffia*

**§ 1.** Qeqertarsuup Tunuani aqutsisoqarfimmi, 68°52,5'N-ip avannaani, aamma 70°30'N-ip kujataani sineriammit sumiiffiusumi, aamma aalisartoqarfimmut tunngavigisatut killingisat avataanni sømilit pingasut tikillugit nassuiarneqartutut sinerissap qanittuani aalisarnermut atuuppoq.

#### *Inuussutissarsiutingalugu qaleralinnut qassusersorluni aalisarneq*

**§ 2.** Qaammatini januaarimi, februaarimi, marsimi, aprilimi aamma maajimi ilanngussani sumiiffiit nalunaarsukkat avataanni inuussutissarsiutigisatut qassusersorluni qaleralinniartoqaqusaavoq.

#### *Qassusersorluni saarullinniarneq*

**§ 3.** Ilangussaq 1-imi sumiiffiit nalunaarsukkat avataanni taamaallaat qassusersorluni saarullinniartoqaqusaavoq.

**§ 4.** Ukiuunerani sikoqarnerata qassusersorluni aalisarneq ajornartorsiortissappagu najugarisami peqatigiiffinni tusarniaareernermit qassusersorluni aalisarneq kommunalbestyrelsip matusiffigisinnaavaa.

#### *Pineqaatissiissutit*

**§ 5.** § 2 aamma § 3-mik unioqqutitsinerit akiligassinneqarnermik arsaarinnissuteqarnermillu nassataqartitsisinnaapput.

Imm. 2. imm. 1 malillugu akiligassiissutit Kalaallit Nunaanni Pinerluttulerinermut inatsimmi malittarisassat malillugit inatsisitigut inuttut naatsorsuussanut akileqqusaasinnaapput.

#### *Atuutilerana*

**§ 6.** Ileqqoreqqusaq una nalunaarutigineqareernerata kingorna ingeerlaannaq aatuutilerpoq. Imm.2 Taamaalinerani Qeqertarsuup Tunuani aqutsiveqarfimmut atuuttoq Qassusersorluni qaleralinniarneq pillugu Avannaata kommunianut ileqqoreqqusaq 4.december 2020-meersoq atorunnaarsinneqarpoq.

Taamatut ulloq xx.xx 2022-mi Avannaata Kommuniani Kommunalbestyrelsimit akuersissutigineqarpoq.

---

Palle Jerimiassen  
Borgmesteri

Aqutsiveqarfimmi Qeqertarsuup Tunuani inuussutissarsiutingalugu qassusersorluni aalisarneq pillugu Avannaata Kommuniata ileqqoreqqusaa aalajangersarneqarpoq.

Namminersorlutik Oqartussat, ulloq xx.xx. 2022

---

Karl Tobiassen  
Aalisarnermut, Piniarnermut Naalakkersuisoq

### **Ilanngussaq 1**

Sumiiffiit makku iluini inuutissarsiutingalugu qassusersorluni aalisarneq inerteqqutaavoq:

Nuusaarsuk – Eqip avataa:

1. Sermermiut Nuuat	69°12`01`2N	51°08`16.7`W
2.	69°09`00`N	51°07`00`W
3. Pitoqqiup Nuua	69°08`07`N	51°02`20`W

Torsukattak – Ilulissat Avannaanni:

1. Nungaaq	69°57`44.6`N	51°00`9`7`W
2. Ikerasannguup Kangimut Nuua	69°55`08`7`N	51°01`10`8`W
3. Sammisunnguaq	69°53`45`3`N	50°47`57`2`W
4. Qeqertakassaap Saqqaa	69°54`38`8`N	50°46`58`8`W
5. Ilerfit	69°55`11`4`N	50°39`42.4`W
6. Anap Nunaa	69°55`19.0`N	50°36`44.6`W

Nunap assinganik ilanngussat

[indsættes]

Nunap assinganik ilanngussat missingersuutaannaapput. Naapertuuttoqartinnagu allorniusanut tukimukartunut sanikumartunullu siuliani allassimasutut naleqgerfiit atuutissapput.